



UNIVERSITÄTS-
BIBLIOTHEK
PADERBORN

Universitätsbibliothek Paderborn

Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1847

XLV. Markgraf Johann dechargirt den Hauptmann Hasso von Bredow wegen seiner abgelegten Rechnung, am 21. Dezember 1432.

[urn:nbn:de:hbz:466:1-54581](https://nbn-resolving.org/urn:nbn:de:hbz:466:1-54581)

XLV. Markgraf Johann beschargt den Hauptmann Hasso von Bredow wegen seiner abgelegten Rechnung, am 21. Dezember 1432.

Wir Johans von gots gnaden Marggraue etc. Bekennen offentlichen mit dießem briefe, das vnser haubtman, Rat vnd lieber getrewer Haffe von Bredow ritter, fur vnserm Raten vnd lieben getrewen hanßen von Waldow, ritter vnd hern Johanni Somer, Heinzen Tandorffer, marschalk vnd heyne pfule, den wir das entuolhen haben in rechnung komen ist vnd alles sein Innemen vnd aufgeben von der mittwoche fur thome Anno etc. XXXI°. biß auff den Sontag Thome Anno etc. XXXII°. mitßampt seiner alten schulde von seiner nehsten rechnung fur dieser nach laute seines rechenbriefes mit redlicher, künftlicher rechnung beweiset hat, Also das wir Im uber alles sein Innemen vnd aufgeben von der obgeschriben zeit mitßampt seiner alten schulde, czerunge vnd den hundert gulden iargeldes gar nichts aufgenommen biß auff dießen heutigen tag schuldig bleiben hundert vier vnd funfzig schok newvndvrtzig groschen vnd vier pfenninge vnd sagen In darauff der obgeschriben rechnung nach Innehalt seiner Register qwyd, ledig vnd loßz in craft dießz briefes. Auch ist zuuermerken, das der gnant vnser häubtmann Haffe von Bredow ritter, keyne verderbte pferde noch pferde schaden von dießem nehstuorgangen iare in dießer rechnung nicht gezogen noch verrechent hat. Zu urkunde mit vnserm aufgedrugten Insigel uersigelt vnd Geben zu Spandow, am Sontage sant thomas tage Anno domini etc. XXXII°.

Nach dem Copialbuche des Markgrafen Johann fol. 115.

XLVI. Markgraf Johann beleihet Jaspar, Arend und Jaspar von Bredow mit Besitzungen zu Buchholz, Zepernick, Wedigendorf ic., am 4. April 1434.

Wir Johans, von gots gnaden Marggraue zu Brandenburg vnd Burggraue zu Nuremberg etc., Bekennen offentlichen mit dießem briefe fur allermeniglich, das wir vnsern lieben getrewen Jaspar vnd Arnd gebrudern von Bredow, Clawesen von bredow seligen seinen sonen, vnd Jaspar von Bredow, Betekens von Bredowen seligen Sone, zu einem rechten manlehen Ingesamt gelihen haben dieße hienachgeschriben guter ierlich czinse vnd renthe mit namen In dem dorff Bucholcz einen freyen hof mit newn huben mit al denn horsten. Mit namen die weithorst, die groze horst vnd die haselhorst mit dem wynandes busche, die welle vnd die rodelender vnd den Graben mit holze, mit Acker, eyne freye Scheffereye In demselben dorffe czwey teil an dem ubersten vnd nidersten vnd sunst czinse uber alle huben vnd houe, aufgenommen Secht kosten houe vnd czwu huben, Item zu Cepernick czwenzig scheffel Roggen, czehn scheffel gersten, virczig scheffel habern, funfzehen groschen vnd zu kare czehen groschen; Item zu heiligen See einen freyen hof mit czwelf huben, eyne freye vischereye, das halb teil an dem ubersten vnd nidersten gerichten, an holzen, an acker, an grafze, an buten, czwey schogk hunre, siben stucke geldis vnd achtzehen groschen In dem selben dorffe; Item zu wedegendorff eilff schogk geldes, sechstehalten scheffel erweis, czwelf hunre vnd an das uberste vnd niderste In veld vnd in dorffe czwei teil. Das alles obgeschriben wir den genanten Jaspar, Arnde vnd Jaspar gebrudern vnd geuettern mit allen obgeschriben freiheiten czugehorungen vnd gerechtigkeiten In mafzen das ire veter Innen gehabt, besessen, genossen vnd auf